


# Chapang ho Bible Tahlahna

## Mihiem genthei kipatna



Asundoh-a pang: Edward Hughes

Muthei'a hilchetna bawl-apang: Byron Unger; Lazarus

Athu-ledoh-a pang: Dr. Seikholun Singisit

Aguongtuoh-a pang: M. Maillot; Tammy S.

Thusim 60 sunga 2na

[www.M1914.org](http://www.M1914.org)

*Bible for Children, PO Box 3, Winnipeg, MB R3C 2G1 Canada*

Phalna: Nangma'n hiche thusim hi sumkawiveina ding ahilou pou leh nalah doh theina le tadohtheina phal ahi.


Thadou-kuki

Imazouse hi Pathien siem ahi!  
Pathien in mihiem masapen Adam  
A-siem chun, Adam le aji Eve chu  
Eden huon'a acheeng in ahi. Pathien  
thu-nuoi-a hinkhuo  
nuomtah mang in chule  
Pathien toh kivop in a-um  
un hizongle  
nikhat  
chu ...




1

Guul in  
Eve jah-a,  
"Pathien in  
theiga khatcha  
nehin un ati  
em?" ati. Eve in  
ajah-a, "Theiga  
khatseh ti  
lou adangse  
kanehmo lhon  
ding a-umpoi.




2




Hiche thei-ga khu kaneh lhon ham kakhoikhah lhon ham'a ahile Kathy lhon ding ahi." ati." Guul in anuisat in, "Nathy lhon lou ding ahi" ati.

3




"Naneh le Pathien nabah ding ahi" ati. Eve in theiga chu neh ding alung-gul tan ahi. Ama'n guul thusei atahsan in theiga chu anetai.

4




Eve in Pathien thupieh apalkeh zou in Adam zong theiga anehsah ta'n ahi. Adam chun "Ahipoi! Keima'n Pathien thupieh kapalkeh lou ding ahi" anati ding dawl ahi.

5



Adam le Eve achawnsiet phad un saguohkeo ahiu chu ahe lhon tai. Saguohkeo khukhumna ding in theichang-naa akilmat-mat un, chule hambuh lah-a Pathien'a kuon in akisel lhon tai.

6




Nilhangkai in huon'a chun Pathien ahung ta'n ahi. Ama'n Adam le Eve in ipi abawl'u ahed ahi. Adam in Eve anghoh in chule Eve in guul anghoh ta'n ahi. Pathien in, "Guul hi sapsiet changhen. Numei in nao-suonat thuoh hen" ati.

7




"Adam, na-chawnsiet jeh in leisiet hi ling-le-khao a sapsiet ahitai. Nangma'n niisieh le ulsa kai-a neh nakihawl ding ahi" ati.

8




Hichun Pathien in huon sung nuomtah-a kuon chun Adam le Eve anodoh tai. Ajeh chu amany chawnsie ahi lhon ta'n, hinna pie Pathien to chuomkhen ahihon tai!

9




Amany daldohna ding meikuong-chemjam khat Pathien in A-siem'e.

10



Adam le Eve kivonna ding savun abawlpieh in ahi. Hiche savun ho chu Pathien hoi-a alah ahidem?

11



Phad alhintah in, Adam le Eve in cha anei lhon in ahi. Amany chapa masapen, Kaina chu huonbawl mi ahi. Amany chapa anyna, Abel chu kelnguai ching ahi.

12



Nikhat hi Kaina in Pathien pieh ding huon'a anche-louhing phabep achoy in ahi. Abel in a-kelnguai aphapenchieh phabep Pathien pieh ding achoy e. Abel thilto joh chu Pathien in asaanpieh tai.

13



Kaina thilto vang Pathien in asaanpieh tapoi. Kaina alunghang l'eh jeng in ahi. Hizongle Pathien in ajah-a, "Thilpha bawl hile chun Ka-saan pieh da ding ham?" Ati.


14

Kaina lunghanna chu abeidieh tapoi. Phad chomkhat zou in lounun'ah Abel chu adeng in athat ta'n ahi.



15

Pathien in Kaina jah-a, "Nasuopipa, Abel hoi-a um hitam?" atile ama akilep in, "Kahe poi. Keima kasuopipa chingbeh kahim?" ati. Pathien in Kaina engbawlina in a-huonbawl thepna chu alah pieh in, mivahvai khat in asiem ta'n ahi.




16

Kaina chu PAKAI/Yahweh mitmu-a kuon apoddoh tai. Aji ding in ama'n Adam le Eve chanu khat akipui in ahi. Amany chun cha-le-nao anei lhon'e. Chomkahlou in, Kaina khuopi siem chu a-tute le atusawn ho'n aluodim tauvin ahi.



17

Hicheped chun Adam le Eve inn-sungmi zong apungtul tul un ahi. Hichelai-a miho chu tulai-a miho saang in ahing-sod uve.



18

Achapa Seth apien chun, Eve in "Abel kheel ding Pathien in Seth eipie tai" ati. Seth chu Pathien gyng mi ahi'n, kum 912 ahing in chanu-chapa tamtah anei-e.



19

Vaan-nuoi'ah, mihiem khansitna apungcheh cheh jengta'n, chule khang gilou khat chu khang-gilou khat in ajuipheh in ahi.



20



Akhonna-a Pathien lunggel  
lhah chu suhgam ding'a  
mihiemte chule ...



21

... gamsa zouse le chungleng vacha  
zouse hi ahi. Pathien in mihiem  
Asiem chu A-da l'eh jeng'e.  
Hizongle mi khat in Pathien  
lung alhaisah  
in ahi.



22

Hiche mihiem chu Noah ahi. Seth  
chilhah, Noah chu michawnpha le  
nuolnabei mi ahi. Ama Pathien to  
ki-khenlou mi ahi.



23

Ama'n a-chapa thumho zong Pathien  
thu nitje ahi e. Tu'a hi Pathien in thil  
hedkhah lou le deichuombek khat  
bawl'na ding in Noah  
manchah aguo  
tai!



24

Mihiem genthei kipatna  
Pathien thu Bible-a, kuon thusim,  
akimu na hi  
Bulpat-bu Bung 3-6

"Nathu-a sunglah hin vah a pie."  
Psalms/Labu 119:130

Pathien in chawnsiet ati thilphalou ho ibawl'u hi Ama'n  
ahe-e. Chawnsiet man chu thyna ahi.

Pathien in eiho eingailu behseh un A-Chapa, Jesu chu,  
eiho talien man ding le thingpel'a thy ding in Ahinsawl tai.  
Jesu ahingdoh in chule Vaan'a akile tai! Tu'a hi Pathien in  
i-chawnsietna'u hi A-ngaidam thei tai.

Nangma nachawnsietna ho-a kuon'a nakinunghei nuomle,  
Pathien hieng'a hiti hin sei in: Ka-ngai Pathien, Jesu keima  
ding'a thy chule Ama tu-a a-hindoh kid katahsan'e.  
Lungsiet tah in kalung sung'a hung cheeng in lang  
kachawnsietna ho ngaidam in, chutile hinkhothah kanei  
ding chule tuonsod-a Nangkawm'a ka-um ding ahi. Nacha  
khat bang'a hing ding in eikithuopi in. Amen. John 3:16

Ni-siehle Bible sim in chule ni-sieh in  
Pathiento kihoulim in!

